

آبونه شرائطی

مالک عثمانیه ده ساله کی (۶۵)، الق
ایلاف (۳۵) غروشد.

مالک احمدیه ده ساله کی (۹۷)، الق
یلغی (۹) فرانقدر.

اداره خانه

باب عالی جاده سنده دائره مخصوصه

اخطارات

آبونه بدلی بشند.

§

مسلكه موافق آثار مع المحتویه قبول
اولتور. درج ابدلین یازیلر اعاده
اولونماز.

الکشاف

۱۳۳۰

دینی، فلسفی، علمی، ادبی، سیاسی هفته اق مجموعه اسلامیه در.

اخطارات

رساله خردن آلمدیخی کوسترلك شرطيله
بتون یازیلر هر هانکی بر خیزنه طرفنان
اقتباس اولونه ییلیر.

§

مکتوبلرک، امضالرک واضح و اوقوناقلی
اولمسی و آبونه صره نومروسی محتوی
بولونمسی لازمدر.

§

ممالک اجنبیه ایچون ونه اولر
درسلیرشک فرانسزجه ده یازلمسی دجا
اولتور.

§

ده و ندرلدیکی زان نه یه د ژا اولدیغنک
واضعا پیلدیلمسی دجا اولتور.

والله یهدی من یشاء الی صراط مستقیم

صاحب و مدیر مسئول: ع. اشرف ارباب

اتبعون اهدکم سبیل الرشاد

عدد ۲۹۴

۴ جمادی الاخر ۱۳۳۲

پنجشنبه

۱۷ نیسان ۱۳۳۰

جلد ۱۲

عبداللہ بن حبیب شہادت :

داہا سوکرا شہید اولانلرده ، کدیك محافطی بولونوب غنیمت آلمق ایچین قوشمایان و آرقه داشلرینه اویمایوب پیغمبرک امری موجبجه یرینی بوشلامایان (عبداللہ بن حبیب) ایله فداکار رفیقاری ایدی . بووظیفه قربانلرینی (خالد بن الولید) سواریلری ، چیکنه یوب کجی و او کیش ، اسلام اوردوسنک آرقه دن قوشادیلوب محاربه یی غیب ایته لرینه سبب اولدی .

پیغمبرک امرینی طومار قدری ایوره المیرک عتابی :

باق ، وظیفه محلی بیراقان اوچیلر حقنده جناب حق نه بویوردی : بسم الله الرحمن الرحيم . ولقد صدقکم الله وعده اذ تحسبونهم باذنه حتی اذا فشتکم وتنازعتم فی الامر وعصیت من بعد ما اراکم ماتحبون منکم من یرید الدنیا ومنکم من یرید الآخرة ثم صرفکم عنهم لیبتلیکم ولقد عفا عنکم والله ذو فضل علی المؤمنین .

الله اعلم مآلی :

« هانی اذن الاهی ایله مشرکاری اولدورویوردیکیز ، ایشته اووقت الله ، سزه اولان غالبیت وعدنده صادق ایدی . لکن ایسته دیککیز مظفرتی سزه کوسته رد کدن سوکرا سز ، قورقاقله و بولوندیغکیز کدیکی محافظه ایدوب ایتمک خصوصنده منازعه یه قالدیشدیکیز ، پیغمبرک و یرمش اولدینی امرده عصیان ایله موقعه کزی ترک ایله دیکیز ایچکزدن بعضیسی دنیایی ، بعضیسی ده آخرتی ایستیوردی ، یعنی بعضکیز غنیمت آلمق ایچین موقعی بیراقیور ، بعضکیزده الله یولنده اولمهی کوزینه آلوب یرندن آیریلیوردی . سوکرا سزی امتحان ایچین دشمندن کری چه ویردی ، یعنی غالب کلشکن سزی مغلوب ایله دی . بونکله برابر سزی عفو ایتدی که جناب حق ، مؤمنلره قارشى فضل و کرم صاحبدر »

وظیفه لری باشندن چکیلدکلری ایچین اوچیلرک اوغرادینی شوتکدیره دقت ایتدگی ؟ جناب حق ، اولری عفو ایتدیکنی خبر و یرمکه برابر اوردونک بوزولماسنه آنجاق کندیلرینک سبب اولدیغی یوزلرینه قارشى سویلور .

حال بو که : بونلر ، ایلك مسلمانلردن والله یولنده مالنی ، جاننی اسیر که مین انسانلردنر . بویه محترم کیمسلر ، یایدقلری بر قصور اوزهرینه اللهک متابه اوغرارلرسه بزم کبی آدمایرک وظیفه باشندن صیویشماسنده نه قدر عتابه ، حتی عتابه دکلده ، عذابه دوچار اولاجقلری دوشونملی .

بحانه اید ثابت بن وقشک شہادت :

اسلام اوردوسنک محاصره سی اوزهرینه مجاهدلره برشاقینلق عارض اولدی . اوکده کیلر ، دونوب آرقه دن کلنلری چه و یرمک ایسته دیلر و دوندکلری وقت ، پارولای شاشیرمش اولان مسلمانلری دشمن

بلده سنک عرفنده عرف امت دیمور . فقط عرف بلده سنت رسول الله ، اجاع فقهاء دینه ، قضاء فاروقه راجع در ، دیور . سنتی عرفدن چیقارمیوب ، عرفی سنتدن چیقاریور . مقصده یارایان عرفه سنت دیمک ، عرفی نص تلقی ایتمک در . حالبو که بویه دین برمالکی یوقدر . ارتق حکم مقصده کوره اوله جفتدن بومعنايه ترتب ایدن حکم : غفلت ، خطا ، خطیئه ، بطلان در . « دیگر جوابلرده ان شاء الله کله جک هفته »

اسماعیل حق

اسلام عسکرینه

« اصیرم » ک شہادت :

بونلردن سوکرا (اصیرم) ده یلن ذات ، شہید اولدی .

بوآدام . اولجه ایمانه کله دیکی کبی قوم و قبیلہ سنده مسلمان اولدقلری ایچین سویله نیردی . بر آراق مدینه دن بر یره کیتمش و دونوشنده قبیلہ سندن بمضیلرینک رسول الله ایله برابر محاربه یه کیتمش اولدقلرینی خبر آلمشدی .

بونک اوزهرینه قلبنده اسلام محبتی اوپاندی . سلاخلانوب آتیه بینهرک جنک میداننه قوشدی و آغیر دورنده یارالانوب دوشونجه یه قدر مشرکلره قهرمانجه سنه دوکوشدی .

کندیسی صوک نفسنده ایکن بولدیلر و قبیلہ سنه یاردم ایچیمی ، یوقسه مسلمان اولدیغندمی ؟ کلدیکنی صوردیلر . « الله ورسولنه ایمان ایله یهرک کلدیم والله رضاسی ایچین محاربه ایتدم » دیدی ، اوندن سوکراده جان ویردی .

پیغمبر افندیمره بوندن بحث ایتدیلر . رسول الله حضرتلری « او ، اهل جتدر » بویوردی .

اصحابدن (ابو هريره) حضرتلری « نماز قیلما دن جفته کیره جک بری وارسه اوده اصیرمدر » دیردی .

منظومک شہادت :

داہا سوکرا (حنظله بن ابی عامر) حضرتلری شہید اولدی . بو ذات شریفک باباسی مرتد ، یعنی دیندن دوئمش ، قاین آناسی ، یاخود قاین برادری اولان (ابن سلول) ده منافقلرک باشی اولدینی حالده کندیسی ، دینی بوتون بر مسلمان ایدی . برکیجه لک گوویگی ایکن کلین اوطه سندن چیقوب ، صاواش میداننه قوشمش و دشمن قوماندانی اولان (ابو سفیان) ک یاننه قدر ایلرله یوب اونی آتدن دوشورمش ، حتی باشنی کسمه سنه آز برشی قالمشدی . لکن (شداد) آدی بر مشرکک آرقه دن وورماسیله شہید اولدی .

باباسی (ابو عامر) دشمن اوردوسنده بولوندینی جهتله مشرک قاریلری ، یالکیز بوذاتک بورنی ، قولاغنی کسمه دیلر .

مَقَالَات

اجنبی متخصصی

افغانستان امیر مرحومی عبدالرحمن خانک بر مطالعه سی

سبیل الرشادک اولکی هفته کی نسخه سنده افغانستان امیر حاضری حبیب الله خان حضرت تیرینک کابل شهرینی الکتریک ضیاسیله تنویر ایتمک ایچین اوروپادن برقچ متخصص جنبه قرار ویرمش اولدینی مندرجدی .
بنده شوقرار طولایسیله امیر حضرت تیرینک پدری اولان امیر عبدالرحمن خان مرحومک بوخصوصده نه فکرده بولوندیغنی قارئین کرامه بیلدیرمک ایسته دم وکندی اثرندن ترجمه ایندیکم سطور آتیہ نی انظار مطالعہ یه وضع ایله دم :

«خلاق عالم حضرتلری، برباشی بدنہ، کذا بربدنی برباشہ، خلاصہ بوتون اعضای وجودی بربرینہ مفتقر بارآمقلہ انسانلرک یکدیگریسنہ محتاج اولدیغنی بزہ بیلدیرمشدر . سلاطین عظام ، شہونکتہ دن آکلار مالیدرکہ اک زیادہ شوکت وسطوت صاحبی اولانلری بیله اسباب استراحتلرینک تأمین ایچین آشی، قوندورہ جی، ترزی کی برطاقیم خدمتکاران وصنعتکارانک وجودینہ محتاج اولمقدن خالی قالامازلر .

کتب سماویہ نک اخبارینہ کورہ پروردکار عالم ، شومکوناتی برہفتہ ایچندہ کتم عدمدن عرصہ وجودہ کتیرمش وبوتانی ایله ارادات ومقاصدیمزدہ متامل داورانمق لازم کلدیکنی بزہ ضمناً کوستہ رمشددر . بردولتک قوت واقتداری ، اساس تشککنہ کورہ در . هانکی حکومتمدہ عالم وصاحب تجربہ کیمسہ لر چوقسہ اوحوکومتک ترقیاتی، سائرلرندن فضلہ اولور . بوکابناء ہر دولت ، ارباب کفایتک وجودینی غنیمت صایار واونلرک استخدایمیلہ ترقی وتعالیسنی آرتیرمق ایستہر .

پادشاہلر ، ظل اللہ فی العالمدر . تبعہ لرینک سعادت وفلاکتی باطوغرودن طوغرویہ ، یاخود توسط وزرا ایله ید اقتدارلرینہ مودوعدر . بناء علیہ جناب حقک سلطان السلاطین اولوب کندیلری ، اونک قائم مقامی بولونقلرینی دوشونہرک جلہ مخلوقانہ عدل ورأفتہ معاملہ ایتمہ لر و سیاہ ، بیاض ، قرمز کی رنگ فرقی ومسلمانلق ، عیسویلک ، یہودیہ لک ، یاخود دینسزلک مثلی مشرب ومذہب تفاوتی نظر دقتہ آلمقسزین حقارندہ مساواة عدالت کوستہ رملری لازمدر .

شایان تعجبدرکہ : بز ، باشقہ لرینک قصورینی وکندیملر محسناتی کورورودہ سائرلرینک محاسنی وکندیملرک معاینی مشاہدہ ایدہ مہیز .

بوکونکی ممالک ایله حکومت موجودہ یه باقیلسہ مذہب وعدالتدن دم ووران دولتلرک ، لازمہ انسانیتہ رعایت ایدوب ایتمہ دکری . ومراتب ومناصبی رنگ و دین فرقی دوشونولمکسزین افراد انسانیتہ دن ہر برینہ ووروب ویرمہ دکری پک قولای آکلاشیلر .

افتخار ایدہ رمکہ حکومتمدہ مستخدم اولان یابانچیلر . اقارب قومہ نسبتہ داہا زیادہ ایملہ مشلر ، تحصیلات ، مالیات ، طبابت خصوصیہ

صاندیلر . بو قارغاشالقدہ (حذیفہ) حضرت تیرینک پدری (یمان) اسمندہ کی صحابی ، یا کیشقلہ شہید اولدی . اوغلی حذیفہ « آمان دو قونمایک . بابامدر . » دیبہ باغیر دیسہ دہ ایشیتدیرہ مدی .

حضرت یمان ، اختیار بر مسلمان ایدی . کندی کی باشی آلمش و آرتیق محاربہ دن قالمش اولان (ثابت بن وقش) ایله برابر مدینہ دہ قالملری ، پیغمبر افندیملر طرفندن سویلہ ندیکی حالہ بویاشلی آرسلانلر ، شہید اولمق ایچین برلکدہ کلہ لری ایچین اذن ایستہ مشلر وقارغاشالنی متعاقب مرادلرینہ ایرمشلردر .

حضرت حمزہ نک شہادت

مسلمانلرک دوئمہ سی ومشرکک اکب طرفدن هجوم ایتمہ سی اثناسندہ رسول اللہک عمجہ سی حمزہ بن عبدالمطلب حضرتلری ، کوکرہ مش آرسلان کی اطرافہ آتیلور و ہر صالدریشیلہ مشرککدن بری ، اولور زمرہ سنہ قاتیلور دی . او کون بو قہرمانک اولدیردیکی مشرکک ، اوتوزدن فضلہ ایدی دیورلر .

اک صوک اولدوردیکی (سباع بن عبدالعزی) اسمندہ بر حریف ایدی . فقط بوصویہ کیرمش وحضرت حمزہ کوز دیکمش (وحشی) آدی بری دہ الندہ کی قیصہ صاہلی غارغی فیلاتوب او فداکار مجاہدی ووردی .

غارغی ، حضرت حمزہ نک کوبکی آلتہ صاپلانوب او جی آرقہ سندن چیقدی . او یارالی آرسلان صوک بر غیرت کوستہ روب داورانمق ایستہ . دیسہ دہ موفق اولامایوب دوشدی . وحشی ، بوصودن چیقوب کلدی . قانچقہ سنہ ووردینی حمزہ حضرت تیرینک قارندن کوکسنہ قدر یاردی وجکرینی چیقاروب (ابوسفیان) ک قاریسی (ہند) ک کورتوردی :

بو قادین ، بدر محاربہ سندہ ایلک مبارزہ ایدنلردن (عتبہ) نک قیزی ، (ولید) ک دہ قیز قارده شی ایدی . او مبارزہ دہ حمزہ حضرت تیرینک اولدوردیکی (شیبہ) دہ عمجہ سی بولونویوردی . اونلرک انتقامنی آلمق ایچین وحشی نک الندہ کی جگری قایدی وجاناوارلر کی دیشیلہ بر بارچہ سنی قوباروب چیکنہ دی ، لکن یوتامادی .

صوکرا (وحشی) دہ (ہند) دہ مسلمان اولدیلر پیغمبر افندیملرک عفوندن استفادہ ایدوب قورتولدیلر [۰]

حمزہ حضرت تیرینک قیز قارده شی اوغلی (عبداللہ بن حش) ایلمکہ مهاجرلرندن (شہاس بن عثمان) دہ بوصیرادہ شہید اولدی . عبداللہ بن حشک ووردینی ضربہ لردن الندہ کی قیلیج قیریشدی .

ظاہر المولوی

[۰] وحشی ، مکہ فتحندہ مسلمان اولمش ورسول اللہک کوزنہ کورونمہ سی پیغمبر طرفندن کندیسہ امر بویورولمشدی . بونک وزرینہ شام طرفلرینہ کیتدی . عامہ وقہ سندہ بولونوب حمزہ نی شہید ایندیکی حربہ ایله (مسیلہ) اسمندہ کی یالانچی پیغمبری دہ اولدوردی . فقط سرخوشلہ مبتلا اولوب برقچ دفعہ دایاق یہدکی حالہ اوصلانمادی . حضرت عمرک خلیفہ لکی زمانندہ آدی اصحاب دفترندن سیلیندی . نہایت شراب ایچندہ بوغولوب کیتدی .